

"Қазақстан Республикасының аумағында ірі габаритті және ауыр салмақты жүктерді тасымалдауды ұйымдастыру және оның жүзеге асыру қағидаларын бекіту туралы" Қазақстан Республикасы Инвестициялар және даму министрінің 2015 жылғы 27 ақпандағы № 206 бұйрығына өзгерістер мен толықтыру енгізу туралы

Қазақстан Республикасы Индустрия және инфрақұрылымдық даму министрінің 2019 жылғы 10 шілдедегі № 494 бұйрығы. Қазақстан Республикасының Әділет министрлігінде 2019 жылғы 16 шілдеде № 19036 болып тіркелді

БҰЙЫРАМЫН:

1. "Қазақстан Республикасының аумағында ірі габаритті және ауыр салмақты жүктерді тасымалдауды ұйымдастыру және оны жүзеге асыру қағидаларын бекіту туралы" Қазақстан Республикасы Инвестициялар және даму министрінің 2015 жылғы 27 ақпандағы № 206 бұйрығына (Нормативтік құқықтық актілерді мемлекеттік тіркеу тізілімінде 2014 жылғы 24 қаңтарда № 11395 болып тіркелген, 2015 жылғы 17 қыркүйекте "Әділет" ақпараттық-құқықтық жүйесінде жарияланған) мынадай өзгерістер мен толықтыру енгізілсін:

көрсетілген бұйрықпен бекітілген Қазақстан Республикасының аумағында ірі габаритті және ауыр салмақты жүктерді тасымалдауды ұйымдастыру және оны жүзеге асыру қағидаларында:

1-тараудың тақырыбы мынадай редкацияда жазылсын:

"1-бөлім. Жалпы ережелер";

2-тармақ мынадай редакцияда жазылсын:

"2. Қағидалар көлік құралының габаритін, салмағын және (немесе) біліктік жүктемелерін ескере отырып, жалпы пайдаланымдағы автомобиль жолдары арқылы және елді мекендердің көшелері арқылы жүріп өту үшін Қазақстан Республикасының аумағында белгіленген автокөлік құралдарының жол берілетін габариттік және салмақтық параметрлерінен асатын, автокөлік құралдарымен тасымалданатын бөлінбейтін жүктерді немесе мамандандырылған автомобиль-цистерналарда тасымалданатын сұйық жүктерді тасымалдауды жүзеге асыру тәртібін анықтайды.";

3-тармақта:

3) тармақша мынадай редакцияда жазылсын:

"3) ауыр салмақты және (немесе) ірі габаритті автокөлік құралдарының жүріп өтуіне арналған арнайы рұқсат - Қазақстан Республикасының автомобиль жолдарымен жүруге арналған автокөлік құралдарының жол берілетін параметрлерінен габариті, салмағы және (немесе) біліктік жүктемелері бойынша асып түсетін жүксіз немесе бөлінбейтін жүгі бар, не мамандандырылған автомобиль-цистерналарда

тасымалданатын сұйық жүктері бар, Қазақстан Республикасының автомобиль жолдары бойынша отандық және шетелдік ірі габаритті және (немесе) ауыр салмақты автокөлік құралдарының жүріп өтуіне құқық беретін қағаз тасығыштағы немесе электрондық рұқсат беру құжаты (бұдан әрі - арнайы рұқсат);";

мынадай мазмұндағы 4-1) тармақшамен толықтырылсын:

"4-1) бөлінбейтін жүк - тасымалдау кезінде мақсатын өзгертпей, шамадан тыс шығындарсыз немесе оның бүліну тәуекелінсіз екі немесе одан көп бөлікке бөлуге болмайтын ірі габаритті және (немесе) ауыр салмақты жүк";

10) тармақша мынадай редакцияда жазылсын:

"10) отандық және шетелдік ірі габаритті және (немесе) салмағы ауыр автокөлік құралдарының Қазақстан Республикасының аумағымен жүріп өтуі үшін алым - "Салық және бюджетке төленетін басқа да міндетті төлемдер туралы" (Салық кодексі) Қазақстан Республикасының 2017 жылғы 25-желтоқсандағы кодексінде (бұдан әрі - Кодекс) белгіленген тәртіппен алынатын ірі габаритті және (немесе) ауыр салмақты автокөлік құралының жүріп өтуі салдарынан автомобиль жолдарына және жол құрылыстарына келтірілген залалды ақшалай өтеу (бұдан әрі - автокөлік құралдарының жүріп өтуі үшін алым);";

4, 5 және 6-тармақтар мынадай редакцияда жазылсын:

"4. Ірі габаритті және (немесе) ауыр салмақты бөлінбейтін жүкті автокөлік құралымен немесе мамандандырылған автомобиль-цистерналарда тасымалданатын сұйық жүктерді автомобиль жолдары арқылы тасымалдауға осы Қағидаларға 1-қосымшаға сәйкес нысан бойынша арнайы рұқсат болған жағдайда ғана рұқсат етіледі.

5. Автокөлік құралының габариттері мен салмағын ескере отырып, автомобиль жолдарымен жүру үшін автокөлік құралдарының Қазақстан Республикасының аумағында рұқсат етілген габариттік және салмақтық параметрлерінен асатын бөлінетін жүктерді автокөлік құралымен тасымалдауға рұқсат етілмейді.

6. Ірі габаритті және (немесе) ауыр салмақты бөлінбейтін жүктерді автокөлік құралдарымен немесе мамандандырылған автомобиль-цистерналарында тасымалданатын сұйық жүкті автомобиль жолдары арқылы тасымалдау ЖЖҚ-ның және осы Қағидалардың талаптарына, сондай-ақ ірі габаритті және (немесе) ауыр салмақты жүктердің тасымалына оларды өндіруші немесе жүк жөнелтуші (жүк алушы) белгілеген қосымша талаптарға сәйкес жүзеге асырылады.";

2-бөлімнің атауы мынадай редакцияда жазылсын:

"2-бөлім. Ірі габаритті және (немесе) ауыр салмақты автокөлік құралдарының автомобиль жолдары арқылы жүріп өтуін жүзеге асыру және ұйымдастыру тәртібі";

7, 8, 9, 10 және 11-тармақтар мынадай редакцияда жазылсын:

"7. Ірі габаритті және (немесе) ауыр салмақты бөлінбейтін жүктерді автокөлік құралдарымен немесе мамандандырылған автомобиль-цистерналарында

тасымалданатын сұйық жүктерді тасымалдау Қазақстан Республикасының азаматтық заңнамасына сәйкес тараптар жасасқан тасымалдау шарты негізінде жүргізіледі.

Ірі габаритті және (немесе) ауыр салмақты бөлінбейтін жүктерді автокөлік құралдарымен немесе мамандандырылған автомобиль-цистерналарында тасымалданатын сұйық жүктерді тасымалдау, соның ішінде арнайы рұқсатты алу бөлігіндегі жалпы шарттар халықаралық шарттарда және Қазақстан Республикасының автомобиль көлігі туралы заңнамасында белгіленеді.

8. Тасымалға және арнайы рұқсатқа қойылатын талаптардан туындайтын қажеттілік жағдайында тасымалдау шарты ірі габаритті және (немесе) ауыр салмақты бөлінбейтін жүктерді автокөлік құралдарымен немесе мамандандырылған автомобиль-цистерналарында тасымалданатын сұйық жүкке қосалқы автокөлік құралдарының (отын құюшы, автошеберхана, қосымша персоналға арналған автобус, тапқыш немесе итергіш қосымша автомобиль және т.с.с.), бүркемелеу автомобилінің және (немесе) ілесіп жүретін автомобильдің еріп жүруін көздейді.

9. Ірі габаритті және (немесе) ауыр салмақты бөлінбейтін жүктерді автокөлік құралдарымен немесе мамандандырылған автомобиль-цистерналарында тасымалданатын сұйық жүкті тасымалдауға тиісті санаттағы автокөлік құралын басқару құқығы бар жүргізушіге рұқсат етіледі.

10. Тасымалдаушының және (немесе) жүк жөнелтушінің жауапты өкілі ірі габаритті және (немесе) ауыр салмақты бөлінбейтін жүктерді автокөлік құралдарымен немесе мамандандырылған автомобиль-цистерналарында тасымалданатын сұйық жүкті тасымалдаумен айналысатын жүргізуші(лер)мен және жүк жинаушылармен қауіпсіздік техникасы жөнінде арнайы нұсқаулық өткізеді.

11. Қозғалыс басталар алдында бекітіліп берілген ірі габаритті және (немесе) ауыр салмақты бөлінбейтін жүктерді автокөлік құралдарымен немесе мамандандырылған автомобиль-цистерналарында тасымалданатын сұйық жүкпен бірге автокөлік құралын жүргізуші, жүк тасымалдаушы мен жүк жөнелтушінің жауапты өкілдері қарап тексереді. Жүк Заңның 13-бабының 23-9) тармақшасына сәйкес бекітілген автомобиль көлігімен жүктерді тасымалдау қағидаларына сәйкес бекітіледі және таңбаланады.";

30-тармақ мынадай редакцияда жазылсын:

"30. Ауыр салмақты және (немесе) ірі габаритті автокөлік құралдарының жол берілетін салмақтық және (немесе) габаритті параметрлерінің асып кету фактісі анықталған жағдайда, ӘҚБК-де көзделген әкімшілік құқық бұзушылық туралы іс бойынша іс жүргізуді қамтамасыз ету шаралары қабылданады және тасымалдау мынадай жағдайларда жалғасады:

1) автокөлік құралының салмақтық және (немесе) габариттік параметрлерін асыра отырып, жол жүру бағыты бойынша әрі қарай жүксіз немесе бөлінбейтін жүкпен не мамандандырылған автомобиль-цистерналарында тасымалданатын сұйық жүкпен жүру және автокөлік құралдарының жол жүру бағыты іс жүзінде жүріп өткен жолына алым

сомасын төлеу, сондай-ақ осы Қағидаларда белгіленген тәртіпте арнайы рұқсат қағазын ала отырып жүріп өту, алдағы бөлігіне алым сомасын төлеу, жүксіз немесе бөлінбейтін жүгі не мамандандырылған автомобиль-цистерналарында тасымалданатын сұйық жүгі бар ірі габаритті және (немесе) ауыр салмақты автокөлік құралдарының арнайы рұқсатсыз жүріп өткені анықталған кезде, сондай-ақ арнайы рұқсаттың мерзімі өтіп кеткен кезде;

2) Қазақстан Республикасының автомобиль жолдарымен жүруге арналған автокөлік құралдарының рұқсат етілген параметрлеріне сәйкес келтіру үшін тасымалдаушының автокөлік құралын артық жүктен босатуы, сондай-ақ Қазақстан Республикасының аумағынан Евразиялық экономикалық одағының кедендік шекарасымен тұспа-тұс келетін Қазақстан Республикасының Мемлекеттік шекарасы арқылы автокөлік құралы шыққан кезде және арнайы рұқсат берілместен іс жүзінде жүріп өткен бағыттың бір бөлігі үшін автокөлік құралдарының жүріп өтуіне алым сомасын төлеу - бөлінбейтін жүк немесе мамандандырылған автомобиль-цистерналарында тасымалданатын сұйық жүкке жатпайтын жүгі бар ірі габаритті және (немесе) ауыр салмақты автокөлік құралының жүріп өткені анықталған кезде;

3) автокөлік құралдарының жүріп өтуі үшін төленген алымға қосымша осы Қағидаларда белгіленген тәртіпті бұза отырып және салмақтық және габариттік параметрлерді іс жүзінде көрсете отырып, осы Қағидаларда белгілеген тәртіппен арнайы рұқсатты ала отырып, іс жүзінде жүріп өткен бағыт үшін автокөлік құралдарының алымын тасымалдаушы төлегеннен кейін - ірі габаритті және (немесе) ауыр салмақты автокөлік құралының арнайы рұқсатта көрсетілген параметрлерінің бірінен асып кету фактісі анықталған кезде;

4) тасымалдаушы іс жүзінде жүріп өткен бағыт бойынша автокөлік құралдарының жүріп өтуі үшін алым сомасын төлеген және осы Қағидаларда белгіленген тәртіппен арнайы рұқсатты алғаннан кейін - ірі габаритті және (немесе) ауыр салмақты автокөлік құралының жолды арнайы рұқсатта көрсетілген бағыттан ауытқи отырып жүргені анықталған кезде;

5) осы Қағидалардың 47-тармағында көзделген мерзімде әкімшілік полициясы ілесіп жүру автомобилін бөлгеннен кейін - осы Қағидалардың 18-тармағында көзделген жағдайларда ірі габаритті және (немесе) ауыр салмақты автокөлік құралының ілесіп жүру автомобилінсіз жүргені анықталған кезде;

6) Қазақстан Республикасының автомобиль жолдарымен жүруге арналған автокөлік құралдарының рұқсат етілген параметрлеріне сәйкес келтіру үшін тасымалдаушының автокөлік құралын артық жүктен босатуы, сондай-ақ Қазақстан Республикасының аумағынан Евразиялық экономикалық одағының кедендік шекарасымен тұспа-тұс келетін Қазақстан Республикасының Мемлекеттік шекарасы арқылы автокөлік құралының шығуы үшін және іс жүзінде жүріп өткен жол үшін алым сомасын төлеу - бөлінбейтін жүкке немесе мамандандырылған автомобиль-цистерналарында

тасымалданатын сұйық жүкке жатпайтын жүгі бар, арнайы рұқсаты бар ірі габаритті және (немесе) ауыр салмақты автокөлік құралының жүріп өткені анықталған кезде.";

3-бөлімнің атауы мынадай редакцияда жазылсын:

"3-бөлім. Арнайы рұқсатты алуға өтініш беру, қарау және келісу тәртібі";

4-бөлімнің атауы мынадай редакцияда жазылсын:

"4-бөлім. Арнайы рұқсатты беру тәртібі";

46-тармақтың 2) тармақшасы мынадай редакцияда жазылсын:

"2) көрсетілген мерзім ішінде жарамды болатын арнайы рұқсат белгіленген бағыт бойынша бір тұрпатты ірі габаритті және (немесе) ауыр салмақты бөлінбейтін жүкті немесе мамандандырылған автомобиль-цистерналарында сұйық жүкті тасымалдайтын бір автокөлік құралына беріледі."

2. Қазақстан Республикасы Индустрия және инфрақұрылымдық даму министрлігінің Көлік комитеті заңнамада белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрық мемлекеттік тіркелген күнінен бастап күнтізбелік он күн ішінде қазақ және орыс тілдерінде Қазақстан Республикасы Нормативтік құқықтық актілердің эталондық бақылау банкіне ресми жариялау және енгізу үшін "Қазақстан Республикасының Заңнама және құқықтық ақпарат институты" шаруашылық жүргізу құқығындағы республикалық мемлекеттік кәсіпорнына жіберуді;

3) осы бұйрықты Қазақстан Республикасы Индустрия және инфрақұрылымдық даму министрлігінің интернет-ресурсында орналастыруды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Индустрия және инфрақұрылымдық даму вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік жиырма бір күн өткен соң қолданысқа енгізіледі.

*Қазақстан Республикасы
Индустрия және инфрақұрылымдық даму министрі*

Р. Скляр

"КЕЛІСІЛГЕН"

Қазақстан Республикасының

Қаржы министрлігі

"КЕЛІСІЛГЕН":

Қазақстан Республикасының

Ішкі істер министрлігі

"КЕЛІСІЛГЕН":

Қазақстан Республикасының

Ұлттық экономика министрлігі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК